

02 火車

許奕晨¹(i k-sîn)

「 嘍！ 嘍！ tshīn-tshiàng、tshīn-tshiàng、tshīn-tshiàng..... 」，火車閣再起行，繼續伊猶未完成的旅程。伊會共時間載去，毋過我心內對阿爸的感謝伊永遠就載袂去。

會記得細漢的時陣，阿爸定定佇咧日頭欲落山的時陣，恁我去縱貫路的鐵枝路邊看火車。

「 嘍！ 嘍！ tshīn-tshiàng、tshīn-tshiàng、tshīn-tshiàng..... 。 」看著火車 sùt 一下就駛過田邊，我佻小弟兩個人目睭攏展甲大大蕊，歡喜甲手那幌跤那跳，暢甲掠袂牢。看著火車駛過去，閣會同齊大聲喝：「火車！火車！」袂輸著『樂透彩』全款遐歡喜。

阿爸牽我佻小弟的手，佇鐵枝路邊的田岸路散步，恬恬仔等待火車駛過去。

「自強的、自強的」，「這台是莒光的」，毋管是佻一款火車，我目睭瞭一下就會認得，攏袂認了毋著去。

佇我五歲彼一冬的二九暝，阿爸送我一組鐵枝路會當自由變化的電動火車，我歡喜甲喙仔裂 sai-sai。逐工的暗頭仔，我就會共阿爸司奶，叫伊陪阮迺迺，幫我設計鐵枝路的路線。看著火車躑躑空、跔崎，蹣鐵枝路窈玲瓏、四界行，我佻小弟攏歡喜甲吱吱叫。阿爸本來就按算欲訓

練我的膽頭，看我遐爾仔佻意火車，伊就用「火車」共我咧，佻我條件交換，只要我上台一擺，伊就送我一台火車。聽著這個條件，我當然嘛會認真拚。經過四、五冬，阮兜的火車算算咧嘛已經有三十幾台，鐵枝路搭起來嘛有四、五十公尺長。厝邊的囡仔伴看著我有規厝間的火車，攏嘛講我上好命。

等我沓沓仔捌代誌了後，我才知影，阿爸送我的毋但是我上佻意的火車，伊送我的其實是一份用錢嘛買袂著的工夫。因為有「火車」的鼓勵，四、五冬來，阿爸訓練我上台嘛已經二、三十擺矣。無形中，我嘛學著講話的鉅角佻上台的勇氣，得著的獎狀嘛已經共規个壁堵掛滿矣。

這組電動火車的價值，毋但是阿爸開的幾若萬箍，伊內面閣有阿爸的疼心佻教囡的智慧。阿爸送我的其實是一世人攏用會著的本事，就算用幾百萬、幾千萬嘛買袂著。西片欲落山的日頭，閣再共天頂染甲烏黠紅仔烏黠紅。阿爸牽我佻小弟的手，來到鐵枝路邊散步。「嘍！嘍！tshīn-tshiàng、tshīn-tshiàng、tshīn-tshiàng.....，火車猶原閣 sùt 一下著駛過田邊，我佻小弟全款閣會大聲喝講：「火車！火車！」，毋過我知影，我已經得著正港的頭獎矣。